

ՄՈՎԱՍԵՍ ԽՈՐԵՆԱՅԻՆ ՀԻՆ ՀԱՅԿԱԿԱՆ ՔԱՂԱՔԱՇԻՆՈՒԹՅԱՆ ԵՎ
ՃԱՐՏԱՐԱՊԵՏՈՒԹՅԱՆ ՄԱՍԻՆ

պրոֆ. Վ. Մ. ՀԱՐՈՒԹՅՈՒՆՅԱՆ

Մեր մեծ պատմահայր Մովսես Խորենացու հռչակավոր «Հայոց պատմությունը», որ կարևորագույն աղբյուր է ինչպես հայոց, այնպես էլ հարեւան ժողովուրդների պատմության համար, պարունակում է նաև առատ տեղեկություններ հնագույն և հին ժամանակներում Հայկական լեռնաշխարհում կառուցված բերդերի ու քաղաքների, տաճարների ու այլևայլ շինությունների մասին:

Ներկա հաղորդման նեղ շրջանակները թույլ չեն տալիս հանգամանորեն քննության առնել Խորենացու հայտնած հարուստ տեղեկությունների ողջ համակարգը, ուստի կանգ կառնենք դրանցից առավել կարևորների վրա, մեջբերումները կատարելով Մովսես Խորենացու Պատմության՝ Ստ. Մալխասյանցի աշխարհարար թարգմանությամբ¹:

Նախ նշենք, որ թեև ներկայումս ոմանք Խորենացու պատմության առասպելական տարրերը ձգտում են ներկայացնել որպես բացարձակ ճշմարտացի ու անվիճելի, սակայն, ըստ արժանվույն գնահատելով Խորենացուն, երեք չի խանգարի քննական վերաբերմունք ցուցաբերել նրա հայտնած առանձին տեղեկությունների վերաբերյալ, և ինչպես կտեսնենք, դրա կարիքը կա: Խորենացին խոստովանում է, որ ինքը օգտագործել է նաև հեթանոսական գրույցներ (այսինքն՝ առասպելներ), բայց դրանցից այն՝ «ինչ որ հավաստի կհամարենք» (էջ 7): Մի այլ տեղ (տե՛ս էջ 17), անդրադառնալով իր օգտագործած գրույցներին, պատմահայրը նշում է. «Եվ այս գրույցները սուտ են թե իրոք եղած՝ մեզ համար կարևոր չէ, միայն որպեսզի դու ամեն բան գիտենաս, այս գրքում զետեղում եմ՝ ինչ որ լսովի գիտեմ և ինչ որ գրեցի...»: Վերը վկայակոչված խոստովանությունները իր Պատմության մեջ պարունակող առասպելական տարրերի մասին, մեր կարծիքով, իրավունք են տալիս նշելու Խորենացու բերած ընդհանուր առմամբ խիստ արժեքավոր գրույցներում երբեմն հանդիպող առարկելի տեղերը:

Հին Հայաստանի քաղաքների մասին Խորենացու հայտնած տեղեկություններից առավել հանդամանալիցը վերաբերում է Ուրարտուի կամ Վանի (այժմ հորջորջվում է նաև Արարատյան) թագավորության մայրաքաղաք Տուշպային, որը գոյատևող քաղաքներից առավել հինն է աշխարհում, ավելի հին, քան «հավերժական» անունը ստացած Հռոմը, քանզի հիմնադրվել է նրանից շուրջ 180 տարի առաջ:

Ստորև քաղվածաբար մեջբերումներ կատարենք Տուշպայի միջնաբերդին վերաբերող Խորենացու խիստ արժեքավոր ու մանրամասն նկարագրություններից, որ նա շարադրել է որպես ականատես (իրավացիորեն այդ կարծիքին է ակադ. Ստ. Մալխասյանցը):

Միջնաբերդի կառուցումը վերագրելով Շամիրամին, նա հայտնում է. «...Շամիրամը սակավ օրեր մնում է այն դաշտում, որ Արայի անունով կոչվեց Այրարատ. բարձրանում է երկրի հարավակողմն ընկած լեռնային գավառը

¹ Մովսես Խորենացի. Հայոց պատմություն. Երևան, 1940 (այսուհետև այս երկից արված մեջբերումների էջերը կտրվեն տողամիջում):

(նկատի ունի պատմական Վասպուրականը—Վ. Հ.), որովհետև ամառնային եղանակ էր, կամենալով հովիտներում և ծաղկավետ դաշտերում զբոսնել: Եվ տեսնելով երկրի գեղեցկությունը, օդի մաքրությունը, բխող մաքուր աղբյուրները, կարկաչահոս և բարեզնաց գետերը՝ նա ասում է. «Պետք է այսպիսի բարեխառն կլիմայում, մաքուր ջրերով երկրում մեզ համար քաղաք և բնակության արքունիք շինել, որպեսզի տարվա շրջանի մի չորրորդ մասը, այսինքն ամառնային եղանակը, ամենատեսակ վայելչությամբ անցկացնենք Հայաստանում, իսկ մյուս երեք մասը, օդի զով ժամանակը, կյանք վայելենք Նինվեում» (էջ 34):

Շամիրամի բերանով շարադրված այս տեղեկությունը խիստ հետաքրքրական է քաղաքաշինական առումով, քանի որ վերաբերում է քաղաքի համար տեղի ընտրությանը, բնակլիմայական (օդի, ջրի) նպաստավոր պայմանների առկայությանը, ինչը կարևոր մասն է կազմում քաղաքաստեղծ գործողների համակարգում: Շատ տեղերով անցնելով,— շարունակում է խորենացին,— գալիս հասնում է աղի ծովակի մոտ արևելյան կողմից. տեսնում է ծովի ափին մի երկայնաձև բլուր, որ երկայնությամբ ձգվում էր դեպի արևմուտք, հյուսիսային կողմում մի փոքր թեքությամբ, իսկ միջօրեական (հարավային)՝ ուղղահայաց դեպի երկինք բարձրացած, զառիվայր ապառաժ: Սրանից դեպի հարավ հեռուն տարածվում էր մի դաշտաձև երկայնաձև հովիտ (հետագայի Այգեստանները—Վ.Հ.), որ լեռան արևելյան կողմից իջնում էր ծովի ափը, ընդարձակ և գեղեցիկ ձևերի ձևով. նրա միջով հոսում էին քաղցրահամ ջրեր լեռներից իջնելով, ծակներից, և հովիտներից ծորալով, որոնք լեռների ստորոտների մոտ միավորվելով՝ ծավալվում, գեղեցիկ գետեր էին կազմում: Հովտաձև ձորակի մեջ ոչ սակավ շեներ կային, ջրերի աջ ու ձախ կողմերում գետեղված: Այս հաճելի բլուրից դեպի արևելք կար մի փոքրագույն լեռ (համապատասխանում է ակոփու քարերին—Վ. Հ.) (էջ 34):

Խորենացուց մեջ բերված այս գեղեցիկ նկարագրությունը, որ ներքից վերաբերում է հիմնադրվող քաղաքի բնակլիմայական պայմաններին, տեղագրական առումով միանգամայն ճշգրիտ է. բացի այդ, նա հայտնում է, որ տեղում, գետի երկու ափերին առչ սակավ շեներ կային:

Անդրադառնալով շինարարական աշխատանքների կազմակերպմանը, պատմահայրը հայտնում է, որ Շամիրամը հրամայում է Ասորեստանից ու իր իշխանության տակ գտնվող այլ տեղերից անմիջապես փափագած տեղը բերել չորս բլուր և երկու հազար անարվեստ գողծավորներ և վեց հազար ընտրյալ արհեստավորներ, փայտի, քարի, պղնձի և երկաթի գործի վարպետներ: Մյուստեղ,— շարունակում է Պատմահայրը,— հրամայում է բազմությունը շատ դասերի բաժանել և ամեն մի դասի վրա դեկավաթ նշանակել վարպետներից ընտիրներին, և այսպես խիստ լարված աշխատանքի մեջ պահելով՝ քիչ տարիներից հետո գլուխ է բերում հրաշալի շինվածքը, ամուր պարիսպներով ու պղնձից շինված դռներով: Քաղաքի մեջ շինում է նաև բազմաթիվ ընտիր ապարանքներ. կրկնահարկ և եռահարկ, զարդարված տեսակ-տեսակ գույնզգույն քարերով և ամեն մեկում պատուհաններ ըստ հարմարության» (էջ 35):

Տուշպա քաղաքում 2—3 հարկանի շենքերի առկայության մասին խորենացու այս տեղեկությունը ճշմոլեց Տուշպայի երկրորդ միջնաբերդ թոփրակվելու, անցած դարի վերջում դառնալով 16,5×30,5 սմ չափերի բրոնզե մի թերթիկով (այժմ գտնվում է Բրիտանական թանգարանում), որի վրա գծված է եռահարկ շենքի ձևատ՝ պսակված գոտիով ու ատամնաշարով: Ճակատի այդ գծագիրը զարմանալի կերպով համապատասխանում է Թեյշեբախինի (Կարմիր բլուրի) քաղաքատարածության վրա պեղումներով բացված բազմասեղանի բնակելի տան հատակագծին:

Նկարագրության շարունակությունը վերաբերում է քաղաքի բարեկարգմանը: Քաղաքի կողմերն էլ,— հայտնում է Պատմահայրը,— որոշում է

դեղեցկագույն և ընդարձակ փողոցներով: Շինում է նաև չքնաղ և զարմանալու արժանի բազանիքներ, համապատասխան քաղաքի դիրքին և պիտույքներին: Ինտի մի մասը (առունների) բաժանելով՝ անց է կացնում քաղաքի միջով ամեն տեսակի պիտույքների, բուրաստանների ու ծաղկոցների ոռոգման համար. իսկ մյուս մասը (անց է կացնում) ծովակի աջ և ձախ ափերով՝ քաղաքի և բոլոր շրջակայքի ոռոգման համար (այս մասը վերարկրում է Շամիրամի ջրանցքին, որ ներկայումս էլ շարունակում է գոգծել—Վ. Ն.): Քաղաքի բոլոր արևելյան, հյուսիսային և հարավային կողմերը զարգացած է դաստակերտներով, վարսագեղ սաղարթախիտ ծառերով՝ զանազանակերպ պտուղներով ու տերևներով, և այնտեղ տնկում է բազմաթիվ առատարևեր և դիմբեր ալգիներ: Պարսպած քաղաքն ամեն կերպ հոյակապ ու հռչակավոր է դարձնում և մեջը բնակեցնում է մարդկանց անթիվ բազմությունն (էջ 35—36):

Դուրստեղծվ մ. թ. ա. IX դարից մինչև մ. թ. XX դարի սկիզբը (1915 թ. ապրիլ—մայիս ամիսներին տեղի ունեցած վանեցիների հերոսական ինքնապաշտպանությունը), Տուշպա—Վանտոսպ—Վանը հիմնականում պահպանել էր Խորհնացու նկարագրած հատակադժային կառուցվածքը՝ քաղկացած հյուսիսակողմի քարաժայռի վրա տեղավորված միջնաբերդից, դրա հարավակողմյան հարթավայրի վրա սփռված ու պարիսպներով շրջապատված բուն քաղաքից (որ վանեցիները քաղաքամեջ էին կոչում) ու շրջապատի արվարձաններից (Վանի ալգեստաններից):

Ոչ պակաս հետաքրքրական է միջնաբերդին վերաբերող Խորհնացու նկարագրությունը: «Իսկ քաղաքի (վերի) ծայրը և այնտեղի հրաշալի շինվածքները մարդկանց ջատերին անհասկանալի են մնում և պատմելու հնարավորություն չկա: Այստեղ դագաթի շուրջը պարիսպ քաշելով՝ ներսը չենում է դժվար մտնելու և դժվար դուրս գալու ինչ-որ ծածուկ և ահռելի արքայանիստ շինվածքներ: Դրանց շինության որսիսությունը մենք ոչ ոքից ճշտությանը չենք լսել, ուստի հարմար չենք դատում մեր պատմության մեջ հյուսիս, այսքանը կասենք, թե, ինչպես լսել ենք, սրանք բոլոր Քաղավորական դործերի մեջ առաջին և վեհագույն են համարվում:

Իսկ քարաժայռի դեպի արեգակը դարձած կողմը, որտեղ այժմ և ոչ մի դիժ կարող է մարգ գծել երկաթով, այսպիսի կարծր քարի մեջ ղանազան ոննյակներ, ննջարաններ, գանձարաններ և երկար վիհեր՝ հայտնի չէ ինչու: Իսկ համար, հրաշակերտեց» (էջ 36):

Միանգամայն իրավացի է Պատմահայրը. Տուշպայի միջնաբերդի Յայռադանդավածում տեղավորված բազմասնյակ ժայռափոր խմբերը (որպիսիք են Խորխոռի Մեծ և Փոքր, Իչկալա, Նավթկուլու և այլ խմբեր) ստեղծված աշխատատար և տևական մեծ ջանքերով ու ժայռակոփության բարձր վարպետության, հերակի շինարվեստի սխրանք, ժայռափոր ճարտարապետության գլուխգործոցներ կարելի է համարել:

Խորհնացու ուշագրությունից չեն վրիպել ժայռերին փորագրված սեպագիր լեռնաքարային խմբերը: «Իսկ քարաժայռի բոլոր երեսները հարթելով, — շարունակում է նա իր նկարագրությունը, — ինչպես գրչով հարթում են մեղրամոր, վրան շատ դրեր գրել տվեց, որոնց տեսքը միայն բոլորին զարմացնում է» (էջ 36):

Արդարացի կլինի հարցում անել նրանց, ովքեր այժմ պնդում են, թե ուրարտական թագավորությունը Այրարատյան թագավորությունն էր, իսկ ուրարտացիները հայեր էին, հապա ինչպե՞ս մեզանից 1500 տարի առաջ աշխարհ խորհնացին այդ սեպագրերի լեզվին անծանոթ էր, անտեղյակ էր սեպագրերի բովանդակությանը: Այլապես նա Շամիրամ թագուհուն չէր վերագրի Տուշպայի շինարարության աշխատանքները, որոնք իրականում կատարված են ուրարտական թագավորների կողմից, ինչի մասին հավաստի հիշատակություններ կան այդ սեպագրերում: Ահա թե ինչու, արժանին մատուցելով Պատմահայրը, այս ընդարձակ ու հետաքրքրական մեջբերումը կատա-

ընկույն և նրա Պատմությունից (քանզի քաղաքի շինարարության վերաբերյալ այսպիսի հանգամանակից նկարագրության չենք հանդիպի ոչ մեկ հայ պատմիչի մոտ), այնուամենայնիվ նշենք, որ խորենացու Պատմության մեջ էլ կարող են առարկել տեղեր լինել:

Թեև առավել սեղմ են խորենացու հայտնած տեղեկությունները անտիկ Հայաստանի քաղաքների մասին, այնուամենայնիվ քաղաքաշինական առումով դրանք որոշակի հետաքրքրություն են ներկայացնում: Անդրադառնալով դրանց:

Արարատյան դաշտում Երվանդունի թագավորների հիմնադրած մայրաքաղաքներից խորենացու առաջին հիշատակությունը վերաբերում է Արմավիրին: Հենվելով Մար Աբասի մատյանի վրա ու քաղաքի հիմնադրումը վերագրելով Արամանյակի որդուն՝ Արամայիսին, նա հայտնում է. «...Արամայիսը իր բնակության համար տոն է շինում դետի ափին մի բլուրի վրա և իր անունով կոչում է Արմավիր, իսկ գետը կոչում Երասխ՝ իր թոռան Երաստի անունով» (էջ 26): Ինչպես ցույց տվին վերջին տարիներին Նոր Արմավիր գյուղի մոտակայքում գտնվող բլուրի պեղումները, կատարված հնագետ Հարություն Մարտիրոսյանի ղեկավարությամբ, Արամայիսն իր տունը, այսինքն ապարանքը, կառուցել է ոչ թե ազատ տեղում, այլ այստեղ գտնվող ուրարտական Արգիշտիիսինի քաղաքի արևելյան միջնաբերդի վրա, այն վերակառուցելով ու պաշտպանական նոր կառուցվածքներով ամրացնելով: Արմավիրին վերաբերող խորենացու այլ հաղորդումներից իմանում ենք, որ այն ոչ միայն եղել է Երվանդունիների վարչական, այլև պաշտամունքային (գուշակությունների) կենտրոն: Արմավիրում գոյություն ունեցող հեթանոսական տաճարներին Պատմահայրը անդրադառնում է մի քանի անգամ: «Արմավիրում մեհյան շինելով, — հայտնում է նա, — արձաններ է կանգնեցնում արեգակին, լուսնին և իր նախնիքներին» (էջ 75):

Պատմելով Արտաշես առաջինի հաղթարշավների մասին նա հայտնում է, թե Արտաշեսը «Ասիայում գտնելով Արտեմիդի, Հերակլի և Ապոլոնի պղնձաձուլյոս կենդանի արձանները, բերել է տալիս մեր աշխարհը, որպեսզի կանգնեցնեն Արմավիրում: Քրմապետները, որոնք Վահունիների ցեղիցն էին, Ապոլոնի և Արտեմիդի արձաններն առնելով կանգնեցրին Արմավիրում, իսկ Հերակլեսի արձանը, որ Սկյուդեսի և կրետացի Դիպինոսի գործն էր, իրենց նախնի Վահագնը համարելով, կանգնեցրին Տարոնում, իրենց սեփական Աշտիշատ գյուղում՝ Արտաշեսի մահից հետո» (էջ 79): Արմավիրում հեթանոսական տաճարների, նրանցում անտիկ հունական բազիլիկների, ինչպես նաև տեղում ժայռաբեկորների վրա փորագրված հունարեն արձանագրությունների հետազոտողները (Ա. Բոլտունովա, Հ. Մանանդյան, Կ. Տրեվեր և այլք), նախապես Արմավիրի (նաև անտիկ Հայաստանի մյուս քաղաքների) քաղաքաշինական մշակույթը դիտել են հունա-հելլենիստական մշակույթի ոլորտում: Այդ տեսակետը միանգամայն ճշտվեց հնագետներ Բաբկեն Առաքելյանի և Գևորգ Տիրացյանի ղեկավարությամբ Արմավիրի միջնաբերդում կատարված պեղումների, այդ թվում շինարվեստի և ճարտարապետության նյութերի հիման վրա:

Արմավիրի կյանքը տևական չի եղել: Ինչպես հայտնում է խորենացին, գեոևա Երվանդունիների օրոք ստիպված են եղել Արմավիրից ոչ հեռու մի այլ վայրում, Երասխի ձախ ափին մի նոր քաղաք հիմնադրել Երվանդաշատ անունով: «Սրա (այսինքն՝ Երվանդի—Վ. Հ.) ժամանակ, — պատմում է խորենացին, — արքունիքը Արմավիր կոչված բլրից փոխադրվում է, որովհետև Երասխ գետը (նրանից) հեռացել էր, և ձմեռն երկարելիս երբ հյուսիսային ցուրտ քամիներ էին փչում, վտակը սառնում էր բոլորովին, և թագավորական կայանի համար խմելու բավական ջուր չէր ճարվում: Սրանից Երվանդը նեղվելով, մանավանդ մի ավելի ամուր տեղ փնտրելով՝ արքունիքը տեղափոխում է դեպի արևմտյան կողմը, միակտուր ապառաժ բլուրի վրա, որի շուրջ պատում է Երասխը, իսկ դիմացից էլ հոսում է Ախուրյան գետը» (էջ

109)։ Պատմահոր նկարագրած տեղագրությունը իրոք միանգամայն համապատասխանում է տեղանքին, ուր շատ տարիներ առաջ առիթ ենք ունեցել լինելու և ծանոթանալու քաղաքի մնացորդներին։ Սա մասնի վրա գտնվելն է պաանաոր, որ մինչև այժմ քաղաքատեղը հնագիտական հետազոտման չի ենթարկվել։

Անդրադառնալով Երվանդաշատի միջնաբերդի դիրքին և պաշտպանական կառուցվածքներին, որոնցով նա առավել ամուր էր, քան Արմավիրը, Խորենացին պատմում է. «(Երվանդը) բլուրը պարսպում է, իսկ պարսպից ներս շատ տեղերում քարերը կտրել տալով իջեցնում է մինչև բլուրի հատակը, դեռ (մակերևութին) հավասար, այնպես որ դեռից ջրերը հոսեն այդ փորված տեղը, իսկու ջուր մատակարարելով։ Միջնաբերդն ամրացնում է բարձր պարիսպներով, պարիսպների մեջ պղնձե դռներ է դնում և երկաթե սանդուղքներ ներքևից մինչև վեր, մինչև դուռը, սանդուղքի վրա, աստիճանների միջև, թաքնված որոգայթներ է շինում, որպեսզի եթե մեկը կամենա գաղտնի բարձրանալ թաղավորին դավալու նպատակով, բռնվի։ Սանդուղքը, ասում են, երկու տեսակ էր սարքված, մեկը ցերեկվան ճանապարհ արքունի սպասավորների և ընդհանրապես ելևմուտի համար, իսկ մյուսը գիշերային, դավադիրների դեմ» (էջ 109—110)։

Երվանդաշատից ոչ հեռու, նույն Երվանդը հիմնադրում է Երվանդակերտ կոչված ձևակերտը։ «Ինձ քաղցր է պատմել,— հայտնում է Խորենացին,— նաև գեղեցիկ Երվանդակերտ դաստակերտի մասին, որ նույն Երվանդը շինեց գեղեցիկ և շքեղ հորինվածքով։ Որովհետև մեծ հովիտի միջին մասը լցնում է բնակչությանը և պայծառ շինություններով, լուսավոր, ինչպես աշքի բերը, իսկ բնակչության շուրջը կազմում է ծաղկոցներ և բուրաստաններ, ինչպես բեր շուրջը աշքի մյուս բոլորակը» (էջ 110—111)։ Դաստակերտի նկարագրությունը մյուս մասերում էլ Պատմահայրը ձգտում է ճարտարապետական ձևը, քաղաքի մասերը մարդակերպությամբ մեկնաբանել՝ մարդու մարմնի մասերի հետ համեմատելու միջոցով։

Թորոս Թորամանյանը, որ մեզանից առաջ հետազոտական ուղևորություն է կատարել այդ կողմերում, գտնում է, որ «պարզապես մեր այսօրվան Երվանդակերտ կարծածն է Պին Երվանդաշատը, իսկ Երվանդակերտը պետք է լինարև Արաքսի մյուս ափին վրա։ Խորենացիի մոտ եղած շփոթությունը դուրս միայն երկու գետերուն անուններուն մեջ եղած է և փոխանակ Արաքսի երկու եղերքին վրա սույն երկու քաղաքները ցույց տալու, Ախուրյանի երկու կողմերուն վրա ցույց տված է»²։ Քննական վերաբերմունք ցուցաբերելով Պատմահոր հայտնած տեղեկության և բանասեր Կ. Կոստանյանցի այդ առթիվ արված մեկնաբանության նկատմամբ, Թորամանյանը գտնում է, որ «անհրաժեշտ է նաև մասնագիտական մի արշավախումբ կազմել մոտիկ ապագայի մեջ, որպեսզի տեղին վրա քննվի մինչև այսօր պատմությունն ու ավանդությունները հեղաշրջելու սպառնացող փափուկ և միանգամայն կարևոր խնդիրը»³։ Սակայն մեր ժամանակներում հնարավոր չեղավ իրականացնել Թորամանյանի այդ խորհուրդը, քանզի Երվանդակերտի մնացորդները գտնվում են մեր սահմաններից դուրս, Թուրքիային անցած տարածքում։

Խորենացին նույն Երվանդին է վերագրում Բագարան քաղաքի հիմնադրումը։ «Բայց Երվանդն իր քաղաքը շինելով՝ Արմավիրից այնտեղ փոխադրեց ամեն ինչ բացի կուռքերից, որովհետև իրեն համար օգտակար չհամարեց նրանց էլ իր քաղաքը փոխադրել, որ մի գուցե երբ ժողովուրդը զոհաբերության համար այնտեղ դա, քաղաքն զգուշությամբ չպահվի։ Ուստի նրանից հյուսիս, մոտ քառասուն ասպարեզ հեռու, Ախուրյան գետի վրա, շինեց մի փոքր քաղաք նման իր քաղաքին և կոչեց Բագարան, այսինքն թե

² Թ. Թորամանյան. Նյութեր հայկական ճարտարապետության պատմության. Ա, Երևան, 1942, էջ 286։

³ Նույն տեղում։

բաղիններն այնտեղ են սարքավորված, և այնտեղ փոխադրեց Արմավիրում հղած բոլոր կուռքերը: Շինեց նաև մեհյաններ և իր Երվաղ եղբորը քրմապետ նշանակեց» (էջ 110): Հարկ է նշել, որ Բաղարանի մասին հորենացու հայտնած տեղագրությունը միանգամայն համապատասխանում է իրականությանը: Նրա ավերակները, վաղ միջնադարում կառուցված Ս. Հովհաննես տաճարի հետ միասին, գտնվում են Երվանդաշատից ոչ հեռու, Ախուրյան գետի աջ-ափինյա տարածքում (այգ պատճառով էլ մեր ժամանակներում ուսումնասիրման համար անմատչելի եղանկ):

Քաղաքաշինական առումով ավելի արժեքավոր է հորենացու հայտնած տեղեկությունը Արտաշես առաջինի (մ. թ. ա. 189—161 թթ.) կողմից Արտաշատ քաղաքի հիմնադրման մասին: «Արտաշեսը դնում է այն տեղը,— (չպատմում է նա,— որտեղ Երասխր և Մեծամորը խառնվում են, և այնտեղ լլուրին հավանելով, քաղաք է շինում և իր անունով կոչում է Արտաշատ: Էրասխրն էլ օգնում է նրան անտառի փայտով: Ուստի առանց դժվարության / և արագ շինելով՝ այնտեղ մեհյան է կանգնեցնում և Բաղարանից այնտեղ է բեռնադրում Արտեմիսի արձանը և բոլոր հայրենական կուռքերը: Բայց Ապոլոնի արձանը կանգնեցնում է քաղաքից դուրս, ճանապարհին մոտ: Երվանդի քաղաքից դուրս է բերում հրեա գերիներին, որ այնտեղ տարված էին Արմավիրից, և բերում նստեցնում է Արտաշատում: Նաև Երվանդի քաղաքի բոլոր վայելչությունները, ինչ որ նա փոխադրել էր Արմավիրից, և ինչ որ հենց ինքն էր շինել՝ բերում է Արտաշատ, և ավելի շատ բան էլ իր կողմից շինելով (այդ քաղաքը) սարքավորում է իբրև արքայանիստ քաղաք (էջ 117): Հորենացու «Երասխրն էլ օգնում է նրան անտառի փայտով» վկայությունից պետք է եզրակացնել, որ այդ գետի միջոցով էր դրա վերին հոսանքին մոտակա անտառաշատ վայրերից (հավանաբար այժմ Թուրքիայի տարածքում գտնվող Սարիղամիշից), փայտանյութ մատակարարվում քաղաքի շինարարության կարիքների համար:

Արտաշատի տեղագրության մասին հորենացու հայտնածի մեջ որոշ տարակուսանք է առաջացնում այն, որ ըստ նրա՝ Արտաշատի հիմնադրման տեղում Երասխրն միախառնվում էր Մեծամոր գետը: Դա կնշանակի, որ Մեծամոր գետն իր ակունքից (այժմյան Այդր լճից) սկսած, Արարատյան բացտով տասնյակ կիլոմետրերով Երասխրն զուգահեռ հոսել է, ապա հիշատակված տեղում է միախառնվել Երասխրին, որին դժվար է հավատալ: Թվում է, թե Պատմահայրը Ազատ գետի փոխարեն (որը իրոք մոտավորապես այդ կողմերում է թափվում Երասխր), հիշատակել է Մեծամորի անունը:

Թեև Արտաշատի տեղագրության ու նկարագրության հարցում Պատմահայրը ինչ-որ չափով լրացնում են հայ պատմիչ Ագաթանգեղոսը, հույն ճանապարհորդ Ստրաբոնը, հռոմեացի պատմիչներ Պլուտարքոսը և Տակիտոսը, սակայն երկար ժամանակ Արտաշատի տեղի հարցում գոյություն ունեւ շփոթություն: Օտարերկրյա ճանապարհորդներից Զեմա Մորիերը, Զոնսոնը, Կեր-Պորտերը, Դյուբուա դը Մոնպերեն և ուրիշները, իրենց ճանապարհորդական նոթերում Դվինի ավերակները սխալմամբ ներկայացրել են որպես Արտաշատի: Դրա պատճառն այն է, որ Դվինի ավերակների մոտ, հարավ-արևելյան կողմից գտնվում է Արտաշատ մայրաքաղաքի անունը որդեգրած Վերին Արտաշատ գյուղը: Ինչպես հետագա ուսումնասիրությունները ցույց տվեցին, անվան որդեգրման պատճառն այն է, որ այդ բնակավայրը առաջացել է Դվինի Արտաշատյան անունը կրող դարպասից դուրս, որտեղից անվորվում էր դեպի Արտաշատ տանող մայրուղին:

Բուն Արտաշատ մայրաքաղաքի տեղորոշման համար պարտական ենք գետ Հովսեփ Եղիազարյանին (որի անունը ցավոք մոռացության է տրվել): Տևական ու բժախնդիր տեղագրություններից հետո նա եկել է այն եզրակացության, որ Արտաշատի ավերակների մնացորդները պետք է որոնել հոր Վիրապի վանքի շրջակայքում և այն բլուրը, որի վրա գտնվում է նշված վանքը, եղել է Արտաշեսի հիմնած մայրաքաղաքի միջնաբերդը:

Ակադեմիկոս Բ. Առաքելյանի ղեկավարությամբ նշված հնավայրում սկսված պեղումները լիովին արդարացրին վերոհիշյալ վարկածը: Պեղումներով հայտնաբերված նյութական մշակույթը միանգամայն լրացնում է Արտաշատի՝ որպես հայկական հելլենիզմի կարևորագույն կենտրոնի մասին թեկուղ ժլատ տեղեկությունները: Արտաշատի հելլենիստական բնույթն են վկայում թատրոնի (հավանաբար անտիկ հունականի նմանությամբ) յուրօրինակ այստեղ (որում մ. թ. ա. 53 թ. բեմադրվել են էվրիպիդեսի «Պոսուհիները», հավանաբար նաև Տիգրան II-ի որդի Արտավազդի հոմալոգի, լեզվով գրված դրամատիկական երկերը), հեթանոսական տաճարների, քանդակաձև թարձարվեցող կուռքերի առկայությունը (պեղումներով հայտնաբերված է «Արտաշատյան Ափրոդիտե» կոչված մարմարակերտ արձանը)։ Լիահույս ենք, որ ապագա պեղումներն էլ ավելի կհարստացնեն եղած պատմական ու հնագիտական նյութերը Արտաշատի՝ որպես հելլենիստական մշակույթի (այդ թվում քաղաքաշինության և ճարտարապետության) օրրաններից դիտարկելի մասին Արարատյան դաշտում:

Արտաշատը գոյատևել է շուրջ 500 տարի ու լքվել մ. թ. ա. III—IV դդ.: Դրա պատճառի մասին նորից տեղեկանում ենք Խորհնացուց՝ Խոսրով Կոտակ թագավորի կողմից մայրաքաղաքը Արտաշատից Դվին փոխադրելու կապակցությամբ: «Որովհետև,— հայտնում է Պատմահայրը,— այդ ժամանակ Հրատն ուղեկցում էր Արեգակին և անմաքուր ջերմ օդը զարշելի հոտ էր բուրում, ուստի Արտաշատում բնակվողներն այս բանին չդիմանալով՝ կամով հանձն առան այս տեղափոխությունը» (էջ 179):

Արտաշատի բնակչության պայմանների վատթարացումը նորից բացատրվում է Երասխի հունի հեռացմամբ քաղաքից, որի հետևանքով քաղաքը շուրջը առաջանում են ճահիճներով պատած տարածություններ (որոնք հիմա էլ գոյություն ունեն հնավայրում): Այսպիսով, Արմավիրից հետո, Խոսրով Նացու հիշատակությամբ սա քաղաքի լքման երկրորդ դեպքն է, որը բնական է ունենում Երասխի հունի փոփոխման պատճառով:

Պատմահայրն իր մատյանի առաջին գրքի ԻԴ հատվածում պատմում է հայ ժողովրդի պատմության մեջ լայնորեն հայտնի Տիգրան II-ի (մ. թ. ա. 95—55 թթ.) մասին, որն իր խոսքերով արտահայտած՝ «մեր թագավորներից ամենահզորն և ամենախոհեմն էր և նրանցից բոլորից քաջ» (էջ 45): Պատմում է նրա գործերի, անձնական արժանիքների, նույնիսկ մարմնական բարեմասնությունների մասին, սակայն անհասկանալի ժլատ է գտնվել Տիգրանի շինարարական գործունեության, հատկապես Հայաստանի նոր մայրաքաղաք Տիգրանակերտի հիմնադրման ու կառուցապատման մասին, ինչի վերաբերյալ տեղեկություն ենք քաղում այլ աղբյուրներից: Շատ ափսոս, որովհետև բոլոր տվյալներով Տիգրան II-ի ժամանակ հայկական հելլենիստական մշակույթը (այդ թվում նաև քաղաքաշինական) ապրեց իր զարգացման բարձրակետը, քանզի ըստ այլ աղբյուրների, նա այդ մշակույթի ջերմեռանդ երկրպագուն էր:

Տիգրանակերտի մասին Պատմահայրը հիշատակում է երկու անգամ: «Շինելով քաղաքը՝ արքա Շապուհի գործերի կողմից ապարդյուն պաշար երկրորդը՝ գրավման կապակցությամբ: Հպանցիկ հիշատակելով քաղաքի պարիսպների հզորությունը (այլ աղբյուրներից գիտենք, որ դրանք 50 զուն՝ շուրջ 26 մ բարձրություն ունեին և այնքան լայն էին, որ նրան տեղավորվում էին այրուծի փարախները և շտեմարանները): Խորհնացունակարագրում է, որ գերի հույների օգնությամբ դրանք խորտակվեցին պարսպահար մեքենայով, ինչը տեղի է ունեցել IV դարի 70-ական թթ.: Միևնույն ժամանակ մեծ ուժով պարսպին դեմ դրին էլ կոչված (գործիքը): Սա մի անվավոր մեքենա է, որ քշելով տափում են երեք մարդ. նրանց ներքևում կան կացիններ, երկբերանի սակրներ և սրածայր մուրճեր՝ հիմքերը փորելու համար, և այն պատերը, որ Հայկազնյան Տիգրանը շինել էր հաստ և ամուր, հիմքից քանդելով, տապալեցին...» (էջ 197):

Այս հաղորդման մեջ անշուշտ առավել հետաքրքրություն է ներկայացնում պարսպահար մեքենայի կառուցվածքի և դործադրության նկարագրությունը:

Տիպրանակերտի տեղադրությունը երկար ժամանակ անհայտ է եղել. այդ տեղում, նույնիսկ մինչև հիմա, ոմանց կողմից սխալմամբ վերագրվում է Դիարբեքիին: Գերմանացի Ֆելդմարշալ ֆոն Մուլեն անցած դարի երեսնական թվականներին Թուրքիայում կատարած իր ուղևորությունում Ֆարկին գյուղի մոտ գտնվող ավերակները վերագրել է Տիպրանակերտին: Այդ կարծիքը ճշտվեց հետագա տեղազննումների տվյալներով:

Պատմությունից հայտնի է, որ Տիպրանակերտի մնացորդների վրա է կառուցապատվել Արևմտյան Հայաստանի վաղ միջնադարյան քաղաքներից մեկը՝ Նվրկերտը (բյուզանդական անվանմամբ՝ Մարտիրոպոլիսը): Թեև այդ քաղաքատեղիի մասին գիտական գրականության մեջ կարելի է հանդիպել հիշատակություն, նույնիսկ նկարագրություն և տեղագրական հատակագիծ, սակայն որքան մեծ հայտնի է, ցտրդ այն հնագիտական հատուկ հետազոտման չի ենթարկվել:

Տիպրանակերտին բազմիցս անդրադարձել են օտար գիտնականներն ու ակադեմիկոս Հակոբ Մանանդյանն իր «Տիգրան Բ և Հոռմը» մենագրությունում⁴, իսկ ակադեմիկոս Գագիկ Սարգսյանը հեղինակն է «Տիգրանակերտ» շահեկան աշխատության⁵, որում հանգամանորեն քննված են քաղաքի պատմության և սոցիալ-տնտեսական կառուցվածքի հարցերը:

Թեև խիստ ամփոփ, սակայն չափազանց արժեքավոր է Խորենացու կողմից Գառնիի տաճարի կառուցման նկարագրությունը: «Այն ժամանակները, — հայտնում է Պատմահայրը, — Տրդատն ավարտում է Գառնիի ամրոցի շինությունը տաշած որձաքար քարերով, որոնք ագուցված էին երկաթե գամերով ու կապերով. նրա մեջ շինում է հովանոց՝ արձաններով, սքանչելի դրվագներով և բարձրաքանդակներով, իր Խոսրովի դուխտ քրոջ համար, և նրա վրա գրում է իր հիշատակը հունարեն գրերով (էջ 163):

Այս հակիրճ շարադրանքում առանձնապես ուշադրության արժանի է գործադրված շինարվեստի հիշատակությունը՝ տաշած քարերով, որոնք միմյանց ագուցված էին երկաթե գամերով և կապերով (գրաբարով դա հնչում է ավելի ճշգրիտ՝ «որձաքար և կոփածոյ վիմօք, երկաթագամ և կապարով մաժուցեալ»): Իրոք, Գառնիի ամրոցի ինչպես պարիսպները, այնպես էլ տաճարը կառուցված են անշաղախ, անտիկ-հունական կոշվող շինելակերպով (նույնը կիրառվեց տաճարի ամբողջական վերականգնման ժամանակ):

Ուշադրության արժանի մյուս տեղեկությունը վերաբերում է Տրդատի թողած հիշատակի արձանագրությանը՝ հունարեն գրերով: Քանի դեռ այն չէր հայտնաբերվել, ոմանք կասկածով էին վերաբերվում Խորենացու այդ տեղեկությանը: Բայց այդ կասկածը մեր ժամանակներում իսպառ փարատվեց: Տարիներ առաջ, երբ Հայաստանի հնությունների պահպանության կոմիտեի նախագահի տեղակալ էի, Մարտիրոս Սարգսյանի ստորագրությամբ Գառնիից հեռագիր ստացա, որում հայտնում էր, թե գյուղի գերեզմանատանը կոփածո մի քար է հայտնաբերել, մի երեսին (որը շրջված է եղել) ինչ-որ արձանագրությամբ: Իսկույն մի հանձնախումբ մեկնեց Գառնի և գերեզմանատանը մենք ականատես եղանք մի շատ կարևոր հայտնագործության: Վերջապես գտնվեց Խորենացու հիշատակած հունարեն արձանագրությունը:

Քնականաբար, գիտական աշխարհում այն մեծ հետաքրքրություն առաջացրեց. դրա թարգմանությամբ ու մեկնաբանությամբ զբաղվեցին Հակոբ Մանանդյանը, Ստեփան Լիսիցյանը, Կամիլա Տրեվերը, Բաբկեն Առաքելյանը, ավելի ուշ՝ նաև Հրաչ Բարթիկյանը:

Ակադեմիկոս Հակոբ Մանանդյանը, ձեռնարկելով 'արձանագրության

⁴ Երևան, 1943:

⁵ Մոսկվա, 1960:

Թարգմանությունը, դրան նվիրված իր աշխատության առաջարկում գրել է. «Այս կարևոր գյուտից հետո, Գառնի մեկնած Հայկական ՍՍՀ Պատմական հուշարձանների պահպանության կոմիտեի հատուկ հանձնաժողովը ակնա-տես է եղել հետևյալ հետաքրքիր փաստերի: Ճարիների ընթացքում, հա-ղորդում է կոմիտեի նախագահի տեղակալ Վ. Հարությունյանը, Գառնիի բնա-կիչները ամրոցից գերեզմանատուն են տեղափոխել մեծ քանակությամբ բա-զալտե տաշված քարեր, որպես գերեզմանաքարեր: Այդ քարերի մեծ մասը պատկանում են ամրոցի պարսպին: Կան մի քանի քանդակազարդ քարեր, որոնք պատկանում են տաճարին: Այդպիսի քարեր կան նաև գյուղի մի շարք շեն-քերի պատերին» (տե՛ս «Սովետական Հայաստան», 31 օգոստոսի 1945 թ.)⁶: (Փակագծում նշենք, որ տաճարի վերականգնման ընթացքում այդ բոլոր քա-րերը փոխադրվեցին ամրոց և օգտագործվեցին ըստ պատկանելույն):

Ստորև բերում ենք արձանագրության բովանդակությունը ակադեմիկոս Հակոբ Մանանդյանի թարգմանությամբ. «Էլիոս Տիրիգատես թագավորը Մեծ Հայաստանի, իշխելով որպես գերագույն Տեր՝ վերստին կառուցեց տաճա-րը, անհաղթելի, իր քրոջ՝ արքայադստեր համար մեծաշուք թագուհու խնդիրքով: Շենքի հովանու ներքո սպասավորողը թող երգեր խորհն մեծ սրբին, նաև գոհության ավետարանման համար»⁷:

Պրոֆ. Ստ. Լիսիցյանի թարգմանությամբ արձանագրությունն սկսվում է հետևյալ բառերով. «Արև Տիրիգատես Մեծ Արմենիայի անարժան Պետ կա-ռուցեց տուն (տաճար) թագուհու համար...» և այլն:

Վերը հիշատակված երկու և մյուս թարգմանություններում ընդհանուրը Տրդատի անվան և տաճարի կառուցման հիշատակությունն է, տարբերությու-նը շարունակության մեջ է: Ակադեմիկոս Գաբիկ Սարգսյանն իր «Հեղինակ-մի դարաշրջանի Հայաստանը և Մովսես Խորենացին» գրքում⁸ հանգամա-նորեն բաղդատել է Գառնիի հունարեն արձանագրության թարգմանություն-ները և կատարել արժեքավոր մեկնաբանություններ:

Ինչպես տեսանք, Տրդատը հիշատակված է որպես Մեծ Հայքի թագավոր և տաճարը կառուցել տվող: Սակայն ո՞ր Տրդատին վերագրել ճարտարա-պետական այդ իրոք մեծագործությունը: Ահա այս հարցում է, որ հայ ճար-տարապետության պատմաբանները անհամաձայն են Խորենացու հետ: Հե-տևելով Խորենացուն, Թորոս Թորամանյանը սկզբում տաճարի կառուցումը վերագրել է Տրդատ Մեծին (298—330 թթ.), սակայն հետագայում փոխելով իր կարծիքը, այդ պատիվը վերագրել է Տրդատ I-ին, համարելով, որ կա-ռուցումը կատարվել է Հռոմից բերված ճարտարապետների միջոցով⁹:

Նույն կարծիքն է հայտնել Երևանի պոլիտեխնիկական ինստիտուտում՝ ճարտարապետական կրթության հիմնադիր և ամբիոնի առաջին վարիչ, պրո-ֆեսոր Նիկողայոս Բունիսթյանը, որը հեղինակն է տաճարի հանգամանալից ուսումնասիրության և վերականգնության նախագծի: «Հուշարձանի էլ ավելի ուշադիր քննումը,— գրում է նա,— մեզ բերում է այն եզրակացության, որ տաճարի ընդհանուր կառուցվածքը և մանրամասնությունների մշակումը բա-վականաչափ ճիշտ կերպով որոշում են հուշարձանի ժամանակը ոչ ուշ քան առաջին դարը մեր թվ.»¹⁰:

Այս կարծիքը ընդհանրական է դարձել հայ ճարտարապետության պատ-մության մասնագետների շրջանում, նախ և առաջ «Գառնիի անտիկ կա-

⁶ Հ ա կ ո թ Մ ա ն ա ն դ յ ա ն. Գառնիի հունարեն արձանագրությունը և Գառնիի տաճարի կառուցման ժամանակը. Երևան, 1946, էջ 3:

⁷ Նույն տեղում, էջ 8:

⁸ Երևան, 1966:

⁹ Ք. Թորամանյան. Նշվ. աշխ., էջ 167, 174:

¹⁰ Ն. Բունիսթյան. Հեթանոսական տաճար Տրդատի պալատին կից Գառնիի ամ-րոցում. Երևան, 1933, էջ 5:

ռուսկաժքների ճարտարապետությունը»¹¹ հիմնարար մեծագործության հեղինակ և տաճարի վերականգնման գիտական ղեկավար Ալեքսանդր Սահինյանի մոտ: Անտիկ Հայաստանի մշակույթի բաղմահմուտ հետադոտող Կամիլա Տրեվերը, կատարելով ոճական համագործություն Փոքր Ասիայի I դարի երկ-յոթրդ կեսի նույն տիպի հուշարձանների հետ, վստահորեն եղրակացնում է. «առնիի տաճարը կառուցվել է ճրգատ I-ի կողմից առաջին դարի 70-ական թվականներին և նվիրված է եղել Արևի աստծու պաշտամունքին»¹²:

Հօգուտ այդ կարծիքի ծառայում է պատմական մի կարևոր իրադարձու-թյուն: Ինչպես հայտնի է, հռոմեական անփառունակ կայսր Ներոնից թա-պասկվելու համար Տրգատ I-ը մ. թ. 65 թ. Հոռմ է մեկնել, որի ֆորու-մը կատարվել է այդ արարողության հանդիսությունը 66 թ. Հոռմից նվեր-ներով վերադառնալով, նա ձեռնարկում է հռոմեական ղորավար Կորբուտնի կողմից ավերված Արտաշատ մայրաքաղաքի վերականգնումը: Միանգամայն հավանական կարող է համարվել, որ հենց I դարի 70-ական թթ. էլ տեղի է ունեցել Գառնիի տաճարի կառուցումը: Հ. Մանանդյանը այն տանում է ավե-լի առաջ, Երվանդունիների ժամանակ, որը հավանական չէ, որովհետև Գառ-նիի տաճարի ճարտարապետությունը, ընդհանուրի կարծիքով, կրում է հռո-մեական ճարտարապետության դրոշմ: Թեև շինարվեստով հունական է, սա-կայն հատակագծային ու ծավալատարածական հորինվածքով, դրվագմամբ և սյունաշարի հոնիական ոճի օրգերով նմանականեր ունի իր կառուցման ժա-մանակաշրջանի հռոմեական տաճարների մեջ:

Խորենացու երկում տարբեր առիթներով հիշատակությունների ենք հան-դիպում հին Հայաստանի Զարիշատ, Զարեհավան քաղաքների, Անհուշ, Ար-դգերս, Անի (Կամուխ), Րաբերդ, Աղթամար և այլ ամրոցների մասին, սա-նքաղաքաշինական հարցերի լուսաբանման տեսակետից դրանք որոշա-յություն չեն ընձեռում:

Անդրադառնանք ևս մեկ քաղաքի՝ Վաղարշապատին, որին վիճակվեց ռատել լինել Արարատյան դաշտի անտիկ շրջանի վերջին մայրաքաղաքը: Այն կառուցապատվել է պատմական Վարդգեսավանի տեղում, որն իր հեր-թին հիմնադրել էր հայոց Երվանդ Սակավակյաց թագավորի (մ. թ. ա. 570—560 թթ.) փեսա Վարդգես Մանուկը: Պատմահայրը այդ մասին հայտնում է. «Վաղարշը... պարսպով պատեց նաև Վարդգեսի հղոր ավանը, որի մասին առասպելներն ասում են»:

Գաղթական գնաց Վարդգես Մանուկը
Տուհաց գավառից, Փասաղ գետի մոտ,
Եկավ ու նստավ Երեշ բլրի մոտ,
Արտիմեդ քաղքի, Փասաղ գետի մոտ,
Երվանդ արքայի դուռը թակելու:

Այնուհետև, շարունակում է Խորենացին, «Վաղարշը պատեց նրան պարս-պով և պատվարով և կոչեց Վաղարշապատ, որ (կոչվում է նաև) Նոր քաղաք»¹³⁴:

Հին Վաղարշապատի մասին մեր տեղեկությունները մասամբ լրանում են աղբյուրներից: Ազաթանդեղոսի մոտ Հոնիսիմյաններին նվիրված պատ-շյան մեջ կարելի է հանդիպել Վաղարշապատի որոշ նկարագրություն: Նրա Տրգատ III-ի պալատը, ուր բանտարկված էր Հոնիսիմեն կույսը, գտնվում էր պարիսպներով շրջապատված միջնաբերդում: Այստեղ բացի պալատից կային ներքին փողոցներով («փողոցս ի ներքնագոյնս») միմ-յանց հետ կապված այլ շենքեր: Թագավորի և Հոնիսիմենի սպասավոր ամուս-

¹¹ Երևան, 1988:

¹² К. В. Тревер. Очерки по истории культуры древней Армении. М.—Л., 1953, с. 67.

նություն անթիվ հավաքված ամբողջ լցված էր մասամբ փերին փողոցներում, մասամբ բերդամիջում և մասամբ էլ քաղաքամիջում:

Քաղաքի պարիսպներում բացվում էին դարպասներ, որոնցից Ագաթանգեղոսը հիշատակում է երկուսը: Արևելյանը (Արեգ դուռն քաղաքի) դուրս էր գալիս դեպի մայրուղին, որն անցնում էր թի սարահանդակ, ի բարձրավանդակ յավազին տեղի մի (համապատասխանում է Հոփսիմեի տաճարի տեղադրությանը), որը տանում էր դեպի Արտաշատ: Մյուս դարպասը բացվում էր դեպի Մեծամոր գետի վրա ձգված կամուրջը, որի կողմից քաղաքը պաշտպանված էր Մեծամորի ջրով լցվող խանդակով: «Պարկեն փոս» կոչվող ճահճոտ տարածքը մի կողմից շրջապատում էր քաղաքը (շուրջ գայր ղքաղաքան), կազմելով Վաղարշապատի պաշտպանական համակարգի բաղկացուցիչներից մեկը¹³:

II դարի երկրորդ կեսին Վաղարշապատը կարճատև գտնվել է հոմեացիների տիրապետության տակ, որոնք, դատելով գտնված լատիններեն արձանագրությունից, այստեղ ծավալել են շինարարական որոշ գործունեություն քաղաքի պաշտպանական կառուցվածքների ամրացման ուղղությամբ: 1931 թ. կատարված պեղումների ժամանակ էջմիածնի մայր տաճարի այժմյան պարիսպներից ներս, արևելակողմում բացվել են անտիկ դարաշրջանի բաղնիքի մնացորդներ, իսկ Հոփսիմեի տաճարի հիմքերում հայտնաբերվեցին անտիկ շենքերից նրա հիմքերում դրված հունական ոճի քիվերի քարեր:

Խորենացու մոտ սեղմ, բայց արժեքավոր տեղեկություններ կան նաև վաղ միջնադարյան Հայաստանի մի քանի քաղաքների հիմնադրման մասին:

Դրանցից մեկը վերաբերում է Խոսրով Կոտակ թագավորի օրոք (332—338 թթ.) Դվինի հիմնադրմանը, որը, ինչպես նշվեց վերը, տեղի է ունեցել Արտաշատից արքունիքը այստեղ փոխադրելու կապակցությամբ: Այդ մասին հայտնում է Պատմահայրը. Խոսրովը «...անտառ տնկեց Ագատ գետի մոտ, որ մինչև այսօր էլ կոչվում է նրա անունով: Նաև արքունիքը փոխադրում է անտառից վերև մի բլուրի վրա և շինում է արևից պատսպարված ապարանք. (այս տեղը) պարսկական լեզվով կոչվում է Դվին, որ նշանակում է բլուր» (էջ 179):

Նույնի մասին, փոքր-ինչ ավելի ճշգրիտ, պատմում է Փավստոս Բուզանդը: Նպատակադրվելով որսատեղեր ստեղծել և բարելավել նոր քաղաքատեղի բնակչության կապիտալները, Խոսրովը իր Վաչե զորավարին հրամայում է բազմաթիվ մշակներ հրավիրել, անտառներից վայրի կաղին հանել և արհեստական անտառ տնկել Դվինի շուրջը. «...սկսելով արքունի ամուր բերդից, որ ասում են Դառնի, մինչև Մեծամորի դաշտը, այն բլուրը, որ կոչվում է Դվին և գտնվում է Արտաշատ մեծ քաղաքի հյուսիսային կողմում»¹⁴: Այսպիսով, այսօր էլ մասամբ գոյություն ունեցող Խոսրովի անտառի մասին երկու պատմիչների հայտնած տեղեկությունը միանգամայն համընկնում է:

1937 թ. պրոֆ. Սմբատ Տեր-Ավետիսյանի ղեկավարությամբ սկսված պեղումները, որոնք որոշ ընդմիջումով շարունակվում են ցայսօր, չափազանց հարուստ նյութեր ընձեռեցին մեր ժողովրդի պատմության, նյութական մշակույթի, Դվինի քաղաքաշինական կառուցվածքի, եկեղեցական և աշխարհիկ ճարտարապետական հուշարձանների մասին: Դրանց վերաբերյալ, լույս են տեսել բազմաթիվ աշխատություններ: Առաջիններից մեկը մերն է՝ «Դվինի V—VII դարերի ճարտարապետական հուշարձանները» դիրքը, որը լույս է տեսել 1950 թ.: Այն ես շարադրել եմ 1939—1940 թթ.՝ լինելով հնագիտական

¹³ Ագաթանգեղոսի Պատմություն Հայոց. Թիֆլիս, 1882, էջ 118, 126:

¹⁴ Փավստոս Բուզանդ. Հայոց պատմություն, Երևան, 1968, էջ 97:

արշավախմբի ճարտարապետը: Արշավախմբի հուպատերազմյան շրջանի պեղումների ղեկավար, պրոֆեսոր Կարո Ղաֆադարյանի հեղինակությամբ են պատկանում երկու ծավալուն հատորներով 1952 և 1982 թթ. լույս տեսած հիմնարար մենագրությունները, որոնցում հանգամանորեն ներկայացվում են պեղումների արդյունքները: Այդ կարգի աշխատությունների շարքը այժմ լրացվում է պեղումների նոր ղեկավար, հնագետ Արամ Քալանթարյանի և այլոց աշխատություններով, որոնցով առաջացել է մի հարուստ մատենաշար: Խորհնացին պատմում է նաև Արշակավան քաղաքի հիմնադրման մասին Արշակ II (350—368 թթ.) թագավորի կողմից, որում նա բնակեցրեց ամեն տեսակ հանյազորների: Քաղաքը կառուցապատված էր Արարատյան նահանգի Կողովիտ գավառում, Մասիս լեռան ստորոտին: Արշակավանին չվիճակվեց հարատևել, որովհետև նախարարները, վրդովված թագավորի ձեռնարկից, հարձակվեցին քաղաքի վրա և սրի մատնեցին նրա բոլոր բնակիչներին, բացի ծովեր երեխաներից (էջ 195—196):

Երբ վերանում է Արշակունյաց թագավորությունը և Հայաստան աշխարհն ընկնում է պարսկական (արևելյան մասը) և բյուզանդական (արևմտյան մասը) տիրապետությունների տակ, այդ մասերի վարչական կենտրոնի նշանակությունն են ստանում Դվին և Կարին կամ Թեոդոսուպոլիս (հետագայում՝ Արզ-ի-Ռում, էրզրում) քաղաքները:

Թեոդոսուպոլիս բերդաքաղաքը Կարնո դաշտում ֆորպոստ լինելով երկու տիրապետությունների սահմանի վրա, Բյուզանդական կայսրության համար ուներ ռազմավարական կարևոր նշանակություն, ուստի նա խիստ ամրացված էր: Ինչպես նշում է Նիկողայոս Ադոնցը, «Կարին հայկական անունը, հին հայկական գավառի անունով, ցույց է տալիս, որ Թեոդոսուպոլիս ամրացի տեղում հնում գոյություն է ունեցել եթե ոչ քաղաք, ապա գյուղ»¹⁵:

Թեոդոսուպոլիսի հիմնադրման մասին պատմելով Մովսես Խորենացին առանձնահատուկ նշանակություն է տալիս քաղաքի տեղի ընտրության գործունեներին: Ըստ նրա՝ «Անատոլ գորավարն արքունական հրամանն ստանալով՝ գալիս է մեր աշխարհը և շատ կողմեր շրջելով, հավանում է Կարին գավառին՝ այնտեղ շինելու արգավանդ, շատաշուր և բարեբեր քաղաքը, համարելով, որ այդ տեղը միջին դիրք ունի, ոչ շատ հեռու այն տեղերից, որտեղից բխում են Ծփրատի մի քանի աղբյուրները և հանդարտ հոսանքով առաջ գնալով ծովանում են, ճահճի տեսք ստանում: Այստեղ անհաշիվ քանակությամբ ձկներ են լինում և զանազան տեսակ թռչուններ, որոնք սնվում էին այնտեղ, որոնց ձվերով միայն կերակրվում էին բնակիչները: Եվ ճահճի ափին եղեգնուտներ մեծ քանակությամբ եղեգով: Դաշտերում բուսնում են բարձր խոտեր և առատաբեր սերմատու բույսեր: Լեռները լիքն են կճղակաբաշխ և որոճող երեքներով: Բազմությամբ աճում են այդտեղ ընտանի եղջյուրավոր անասուններ, հաղթահասակ, խոշոր, լիքը մարմնով և պարարտ:

Մի գեղեցկագիր լեռան ստորոտում, — շարունակում է Պատմահայրը՝ անդրադառնալով ամրաշինական առանձնահատկություններին, — գտավ մի տեղ, որտեղ բխում են բազմաթիվ մանր աղբյուրներ մաքուր ջրերով, և այդտեղ գծեց քաղաքի տեղը: Նրան շրջապատեց խոր փոսով, շատ խորը դրեց պատվարի հիմքը, նրա վրա ահագին բարձր աշտարակներ շինեց, որոնցից առաջինը կոչեց Թեոդոս՝ Թեոդոսի պատվին: Սրանից այն կողմը շինեց ժայռաձև աշտարակներ, նավերի ցուկների նման, և անցքեր՝ ներս ընկած խորշերով, որոնք դեպի լեռն են դարձած: Այսպես շինեց նաև դեպի հյուսիսային դաշտը (նայող կողմում): Իսկ արևելք ու արևմուտք (դարձած կողմերում)՝ Վանգեցրեց բոլորակաձև աշտարակներ: Իսկ քաղաքի մեջ, մի բարձրավանդակի վրա, շինեց բազմաթիվ մթերանոցներ, որ կոչեց Ավգոստինոն, Ավգոստոսի պատվին: Եվ շատ տեղերից անհայտ ուղիներով (այսինքն՝ ստորգետն-

¹⁵ М. Адопц. Армения в эпоху Юстиниана. СПб., 1908, с. 143.

նյա—Վ. Հ.) ուրիշ ջրեր բերեց մտցրեց քաղաք: Քաղաքը լցրեց զենքերով ու պահուստան դնդերով և կռչեց Թեոդուպուիս, որպեսզի քաղաքի անունը հիշելով անմահ մնա (թագավորի) անունը, իսկ բխող ջերմուկները վերևից ծածկեց տաշած քարերով» (էջ 235):

Թեոդուպուիսի խորհնացու տված նկարագրությունը ևս հիմնականում համապատասխանում է իրականության, ինչի մասին վկայում են քաղաքի տարածքում պահպանված միջնաբերդը և պաշտպանական կառուցվածքների համակարգի մնացորդները:

Վերջում կուզեի կանգ առնել խորհնացու ևս մեկ հիշատակության վրա. պատմելով բարբարոսների ձեռքով սուրբ Գրիգորիսի (Գրիգոր Լուսավորչի թոռան) սպանության մասին, խորհնացին հայտնում է, որ «նրա մարմինը բերին փոքր Սյունիք, թաղեցին Ամարաս ավանում» (էջ 175): Ամարասի վանքում, վերակառուցված եկեղեցու ավագ խորանի տակ, հիմա էլ գտնվում է սուրբ Գրիգորիսին վերագրվող դամբարանը: Ի թիվս այլ կարգի շատ փաստերի, դա ևս վկայում է, որ պատմական Արցախը ի սկզբանե Հայաստանի բաղկացուցիչ մասն է կազմել՝ նրա «արևելից» կողմում:

МОВСЕС ХОРЕНАЦИ О ДРЕВНЕАРМЯНСКОМ ГРАДОСТРОИТЕЛЬСТВЕ И АРХИТЕКТУРЕ

Проф. В. М. АРУТЮНЯН

Резюме

«История Армян» Мовсеса Хоренаци затрагивает почти все основные аспекты истории армянского народа, в том числе его строительной деятельности. В ней встречаются весьма ценные сведения о градостроительно-архитектурной культуре древней Армении. Обстоятельно описывает он цитадель столицы урартского государства—Тушпу (Ванскую крепость), правда, ошибочно приписывая ее основание ассирийской царице Шамирам (Семирамиде). Описание настолько подробно, что не возникает сомнения в том, что Хоренаци лично побывал на месте, воочию видел этот уникальный памятник скального зодчества. Хотя сообщаемые им сведения об античных городах Армении—Армавире, Ервандашате, Ервандакерт, Арташате, Тигранакерте и Вагаршапате—сравнительно более кратки, они представляют определенный интерес с точки зрения понимания основных градостроительных правил той эпохи. У Хоренаци встречаются также сведения о крепостях древней Армении. Весьма кратко его повествование о крепости и языческом храме Гарин, однако и оно содержит ценные данные не только о самой крепости и храме, но и о примененной при их возведении строительной технике, о греческой надписи царя Трдата, найденной в наше время. Раннесредневековые города Армении—Аршакаван, Двин, Карин—Феодосиполь, Нпркерт—Мартиринополь—сравнительно близки ко времени жизни отца армянской историографии. Поэтому его повествование о них приобретает особую ценность как вполне достоверный источник по истории градо-

строительного искусства рассматриваемой эпохи. Кстати, особую важность приобретает в наше время сообщение Мовсеса Хоренаци относительно трагической смерти епископа Григориса (внука первопрестольного патриарха армянской церкви Григория Просветителя). Труп погибшего, сообщает он, привезли и похоронили в Амарасе. И потому церковь Амарасского монастыря, под алтарем которой помещается усыпальница Григориса, по праву почитается карабахцами как одно из святых мест этого края древней Армении.